

CO-PRIMOX TABLET

Sulphamethoxazole/Trimethoprim (400mg/80mg)

Apakah yang ada pada risalah ini

1. Apakah kegunaan *Co-Primox*
2. Bagaimana *Co-Primox* berfungsi
3. Sebelum menggunakan *Co-Primox*
4. Cara menggunakan *Co-Primox*
5. Semasa menggunakan *Co-Primox*
6. Kesan-kesan sampingan
7. Cara penyimpanan dan pelupusan *Co-Primox*
8. Maklumat lanjut
9. Pengilang dan Pemegang Pendaftaran produk
10. Tarikh kemaskini RiMUP

Apakah kegunaan *Co-Primox*

Ia merawat jangkitan saluran kencing dan genital, pneumocystitis carinii pneumonia (inflamasi paru-paru), jangkitan abdomen, luka terbakar, jangkitan telinga akut dan jangkitan saluran pernafasan Streptococcus pneumoniae and Haemophilus influenzae.

Bagaimana *Co-Primox* berfungsi

Co-Primox mengandungi dua jenis ubat iaitu sulfamethoxazole dan trimethoprim. Kombinasi ini dinamakan co-trimoxazole. Ia adalah antibiotik dan digunakan untuk merawat jangkitan beberapa jenis bakteria.

Sebelum menggunakan *Co-Primox*

- *Bila tidak boleh menggunakan*
 - jika alah kepada sulfamethoxazole, trimethoprim atau bahan tidak aktif yang terkandung dalam *Co-Primox*.
 - jika anda *glucose-6 phosphate dehydrogenase (G6PD) deficiency*, kegagalan fungsi hati dan buah pinggang.
 - wanita hamil dan berhati-hati untuk ibu yang menyusukan anak. Dapatkan nasihat doktor atau ahli farmasi sebelum mengambil ubat.
 - Pemantauan berulang ujian darah adalah perlu untuk rawatan berlanjutan.
 - Pengambilan cecair harus mencukupi.
- *Sebelum menggunakan *Co-Primox**
Beritahu doktor jika terdapat masalah buah pinggang atau hati, atau sering menggunakan agen merangsangkan enzim hati. Penggunaan jangka panjang tidak digalakkan.

- *Jika mengambil ubat-ubat lain*

Ia meningkatkan kesan coumarin antikoagulan, ubat kencing manis, phenytoin dan methotrexate. Pemonitoran ke atas kesan toksik jika menjalani rawatan immunosupresif. Beritahu doktor jika anda menggunakan sebarang ubat lain, termasuk ubat dibeli tanpa preskripsi dari farmasi, pasaraya, atau kedai makanan kesihatan.

Cara menggunakan *Co-Primox*

- *Berapa banyak harus digunakan*
Dewasa: Oral, 2 tablet setiap 12 jam

untuk 14 hari. Kanak-kanak 6-12 tahun: oral, 1 tablet setiap 12 jam. Bawah 6 tahun: Seperti diarahkan oleh doktor. Untuk Pneumocystitis carinii pneumonia: Dewasa dan kanak-kanak lebih 6 tahun: oral, 25mg sulfamethoxazole dan 5mg trimethoprim setiap kg berat badan setiap 6 jam untuk 14 hari. Ikut arahan doktor atau ahli farmasi anda dengan teliti. Ia mungkin berbeza dari maklumat dalam risalah ini. Jika anda tidak memahami arahan pada label ubat anda, sila rujuk kepada doktor atau ahli farmasi.

- *Bila perlu digunakan*

Perlu diambil dengan perut kosong.

- *Berapa lama perlu digunakan*

Jangka rawatan harus diikuti.

- *Jika terlupa menggunakan*

Rujuk kepada doktor atau ahli farmasi anda tentang apa yang perlu dilakukan jika anda terlupa menggunakan ubat ini. Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dos berganda untuk menggantikan dos yang tertinggal.

- *Jika mengambil berlebihan(terlebih dos)*

Hubungi doktor dengan segera atau pergi ke Jabatan Kecemasan hospital terdekat, jika terambil dos berlebihan. Anda mungkin memerlukan perhatian perubatan segera. Tanda-tanda terlebih dos termasuk sindrom Stevens-Johnson (tindakbalas imun kulit) dan Lyell's (tindakbalas kulit dengan kulit merah dan mengelupas), gangguan darah, methemoglobinemia (paras methemoglobin tinggi dalam darah), kehadiran kristal dan darah dalam air kencing, sakit kepala, dan gangguan perut-usus.

Semasa menggunakan *Co-Primox*

- *Perkara yang perlu dilakukan*
Ambil ubat anda mengikut arahan doktor. Maklumkan kepada doktor, doktor gigi dan ahli farmasi bahawa anda sedang menggunakan *Co-Primox*. Beritahu doktor dengan segera jika anda hamil semasa menggunakan ubat ini.

- *Perkara yang tidak boleh dilakukan*

Jangan berhenti menggunakan ubat ini kecuali diarahkan oleh doktor anda. Jangan mengambil sebarang ubat baru tanpa berbincang dengan doktor atau ahli farmasi anda. Jangan berkongsi *Co-Primox* dengan sesiapa, walaupun mereka mempunyai simptom atau penyakit yang sama.

- *Perkara yang perlu diberi perhatian*

Berhati-hati bila digunakan oleh ibu yang

menyusukan anak. Kesan baik dan buruk ubat ini kepada bayi harus dinilai.

Kesan-kesan sampingan

Seperti ubat-ubatan lain, *Co-Primox* boleh menyebabkan kesan sampingan, walaupun bukan semua orang mengalaminya. Jumpa doktor atau ahli farmasi jika anda mengalami sebarang kesan sampingan. Kehadiran kristal dalam air kencing, paras rendah hormon tiroid, loya atau muntah, cirit-birit, sakit kepala, anoreksia, sakit abdomen, pening kepala, lemah otot, lemah, tindakbalas hipersensitif, tidur tak lena, tinitus, keliru, depresi, kebas dan gangguan darah mungkin berlaku.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel:03-78835550, atau laman web npra.moh.gov.my (*Public* → *Reporting Medicinal Problems / Side Effects / AEFI / Vaccine Safety*).

Cara penyimpanan dan pelupusan *Co-Primox*

- *Penyimpanan*

Simpan di bawah suhu 30°C. Jauhi semua ubat daripada kanak-kanak.

- *Pelupusan*

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi.

Maklumat lanjut

- *Rupa dan warna produk*

Tablet putih, bulat, dwi-cembung dan skor atas.

- *Bahan-bahan kandungan*

- Bahan aktif: sulfamethoxazole dan trimethoprim.
- Bahan tidak aktif: lactose, cornstarch, magnesium stearate and croscarmellose sodium.

- *Nombor MAL*

MAL19930135AZ

Pengilang dan Pemegang Pendaftaran Produk

Prime Pharmaceutical Sdn. Bhd.
1505, Lorong Perusahaan Utama 1
Taman Perindustrian Bukit Tengah
14000 Bukit Mertajam, Pulau Pinang,
Malaysia.

Tarikh kemaskini

30/10/2017

Nombor siri

NPRA(R4/1)301017/00294